

# *Risalah Puasa*

*www.satuhala.blogspot.com*



*"Pada diri kalian juga terdapat tanda-tanda kekuasaan Allah.  
Apakah kalian tidak memerhatikannya?"*

*Adz-Dzariyaat : 21*

## KANDUNGAN RISALAH

### PUASA

- Ertinya
- Dalil
- Wajib Puasa
- Sah Puasa
- Rukun Puasa
- Membatalkan Puasa
- Pantang-larang puasa
- Sunat-sunat Puasa
- Golongan Yang Harus (Dibenarkan) Berbuka Puasa
- Bacaan Niat Puasa
- Bacaan Hendak Berbuka Puasa

### SEMBAHYANG TARAWIH

- Hukum Sembahyang Tarawih
- Waktu Sembahyang Tarawih
- Rakaat Sembahyang Tarawih
- Lafaz Niat Sembahyang Tarawih
- Rukun Sembahyang Tarawih

### SEMBAHYANG WITR

- Sembahyang Sunat Witr

### PETIKAN HADIS-HADIS MENGENAI PUASA DARI SAHIH BUKHARY DAN SAHIH MUSLIM.

- Kelebihan Ramadan
- Kelebihan berpuasa
- Akhlaq sewaktu berpuasa
- Kelebihan bersahur
- Kelebihan menyegerakan berbuka
- Kelebihan Sembahyang Tarawih dalam bulan Ramadan
- Kelebihan Lailatulqadar dan galakan untuk mencarinya
- Ganjaran untuk amalan yang dilakukan pada malam Lailatulqadar
- Beri'tikaf pada sepuluh hari terakhir Ramadan
- Menambahkan amal ibadah pada sepuluh hari terakhir Ramadan
- Makan dan minum kerana terlupa tidak membatalkan puasa
- Tidak Batal Puasa Orang Yang Bangkit Dari Tidur Di Waktu Pagi
- Dalam Keadaan Berjunub
- Janganlah berpuasa sehari dua sebelum Ramadan

### PROMOSI eBook SYAHADAH : *Dialog Dengan Gadis Melayu Atheist*

## PUASA

(Petikan dari *Kitab Tuntutan Ibadah: Perukunan Ibadah Sepanjang Zaman* oleh As-Shaikh Ali b. Abdullah)

### Ertinya:

Menahan diri dari makan dan minum atau apa-apa jua yang boleh membatalkan puasa, sepanjang hari mulai dari terbit fajar hingga terbenam matahari dalam sebulan bulan Ramadhan.

Perintah wajib puasa turun pada bulan Sya'ban Tahun 2 Hijrah.

### Dalil

Perintah wajib puasa : Surah Al-Baqarah Ayat 183:

يَا أَيُّهَا الَّذِينَ ءَامَنُوا كُتِبَ عَلَيْكُمُ الصِّيَامُ كَمَا كُتِبَ عَلَى الَّذِينَ مِن قَبْلِكُمْ لَعَلَّكُمْ تَتَّقُونَ ﴿١٨٣﴾

Bermaksud: *Hai orang-orang yang beriman diwajibkan atasmu berpuasa, sebagaimana diwajibkan atas orang-orang sebelum kamu, supaya kamu menjadi orang yang bertaqwa*

### Wajib Puasa:

- 1) Islam
- 2) Akil Baligh
- 3) Berakal
- 4) Berkuasa/Mampu untuk berpuasa, tidak uzur

### Sah Puasa:

- 1) Beragama Islam sahaja, lelaki, perempuan dan kanak-kanak yang telah mumaiyyiz.
- 2) Sempurna akal fikirannya sepanjang hari itu.
- 3) Suci dari haid dan nifas
- 4) Bukan pada hari yang tidak sah puasa eg. Hari Raya Puasa, Hari Raya Haji dan Hari Syak 30hb Sya'ban).

### Rukun Puasa:

- 1) Niat, di waktu malam mulai selepas Maghrib sampai sebelum terbit fajar.
- 2) Orang Yang berpuasa.
- 3) Meninggalkan semua perkara-perkara yang membatalkan puasa sejak terbitnya fajar sampai terbenamnya matahari.

### Perkara-Perkara Yang Membatalkan Puasa:

- 1) Memasukkan benda/sesuatu ke dalam jauh rongga seperti mulut, hidung, telinga, atau lubang-lubang kemaluan dengan sengaja.
- 2) Muntah dengan sengaja.
- 3) Berjimak (bersetubuh) dengan sengaja.
- 4) Mengeluarkan mani dengan sengaja.
- 5) Haid.
- 6) Nifas
- 7) Melahirkan anak

- 8) Gila (hilang akal pada suku harinya atau pitam sepanjang hari)
- 9) Murtad.

### **Pantang-larang puasa:**

Iaitu perkara-perkara yang membatalkan pahala puasa, maknanya berpuasa tidak mendapat apa-apa pahala kecuali lapar dan dahaga (puasa yang sia-sia).

- 1) Berdusta, berbohong.
- 2) Mengumpat, mengata orang.
- 3) Membuat sesuatu yang boleh mendatangkan permusuhan.
- 4) Melihat benda-benda yang mendatangkan keinginan.
- 5) Marah.

Rasulullah s.a.w. bersabda:

*Bermaksud: "Barangsiapa yang tidak meninggalkan cakap dusta (batil) dan perbuatannya, maka Allah tidak berhajat padanya dalam meninggalkan makan minumannya".*

(Hadis Riwayat Muslim)

*Bermaksud: "Bukan dinamakan puasa bila hanya sekadar menahan makan dan minum, tetapi puasa yang sungguh-sungguh itu adalah menahan diri dari percakapan yang tidak ada gunanya dan kata-kata yang keji".*

(Hadis menurut Sahih Muslim)

### **Sunat-sunat Puasa:**

- 1) Menyegerakan berbuka puasa apabila telah yakin waktu berbuka.

Rasulullah s.a.w. bersabda:

*Bermaksud: "Allah berfiman: Hambaku yang lebih Aku cintai adalah mereka yang menyegerakan berbuka".*

- 2) Makan sahur walaupun sedikit.

Rasulullah s.a.w. bersabda:

*Bermaksud: "Makan sahur itu berkat, oleh kerana itu jangan kamu tinggalkan, walau hanya sekadar meneguk seteguk air, kerana Allah merahmati orang-orang yang makan sahur dan malaikat mendoakannya".*

- 3) Melambatkan makan sahur iaitu lepas daripada tengah malam dan sebelum waktu imsak.
- 4) Berbuka dengan buah kurma atau benda-benda yang manis.
- 5) Memperbanyakkan membaca Al-Quran.
- 6) Memperbanyakkan sedekah.
- 7) Beriktikaf siang hari dalam masjid.
- 8) Menghadiri majlis-majlis ilmu.
- 9) Menyediakan makanan untuk berbuka untuk orang-orang berpuasa.
- 10) Jangan bersugi setelah tergelincir matahari ke arah barat sehingga terbenamnya matahari kerana boleh memakruhkan puasa.


### **Golongan Yang Harus (Dibenarkan) Berbuka Puasa:**

- 1) Orang yang di dalam (perjalanan - musafir), tetapi wajib di qada'.
- 2) Orang sakit, wajib di qada'.

- 3) Ibu yang menyusukan anak, jika takut mudharat bagi dirinya, maka wajib qada' dan jika takut mudharat bagi anaknya maka wajib qada' dan fidyah.


**Bacaan Niat Puasa:**

- 1) Lafaz niat puasa Fardhu Ramadhan



“Sahaja aku berpuasa esok hari menunaikan Fardhu Ramadhan tahun ini kerana Allah Taala”.

**Bacaan Hendak Berbuka Puasa:**



“Ya Tuhanku, keranaMu jua aku berpuasa, dan denganMu aku beriman dan di atas rezekiMu aku berbuka dengan belas kasihMu Ya Allah Ya Amat Mengasihi”.

( Petikan dari *Risalah Siri (11) : Sembahyang Tarawih*, Terbitan Bahagian Agama, Jabatan Perdana Menteri (1981) – Cetakan Ketiga)

**SEMBAHYANG TARAWIH**

1. Hukum Sembahyang Tarawih:

- a) Hukumnya sunat muakkad (yang sangat dituntut) bagi dikerjakan oleh orang-orang Islam lelaki dan perempuan pada tiap-tiap malam bulan Ramadhan samada secara berseorangan atau berjamaah.
- b) Sunnat dikerjakan di masjid, surau dan lain-lain tempat sembahyang orang-orang Islam.

2. Waktu Sembahyang Tarawih:


Waktu sembahyang Tarawih ini ialah selepas menunaikan sembahyang Fardhu Isya’.

3. Rakaat Sembahyang Tarawih:

- a) Pada umumnya masyarakat Islam di Malaysia mendirikan sembahyang Tarawih ini sebanyak 20 rakaat, tetapi ada juga yang hanya menunaikan sekadar 8 rakaat sahaja.
- b) Pada zaman Rasulullah s.a.w. sembahyang Tarawih dikerjakan sebanyak 8 rakaat saja supaya tidak menimbulkan sesuatu keberatan.
- c) Pada zaman Khalifah Umar bin Al-Khattab pula beliau menambah lagi menjadikan 20 rakaat kerana beliau berpendapat bahawa orang-orang Islam pada zamannya itu tidak keberatan lagi menunaikan sembahyang sebanyak itu.

d) Sembahyang Terawih hendaklah ditunaikan dua rakaat, pada tiap-tiap satu kali takbiratul-ihram kemudiannya dilakukan lagi sehingga genap rakaat yang dikehendaki.

#### 4. Lafaz Niat Sembahyang Tarawih:



Bermaksud: *Sahaja aku sembahyang Tarawih dua rakaat ma'mum kerana Allah Ta'ala*

#### Rukun Sembahyang Tarawih.


Rukun sembahyang sunat Tarawih ini sama sahaja dengan rukun sembahyang yang lain juga.

#### SEMBAHYANG WITR

##### 1. Sembahyang Sunat Witr


- a) Menurut kebiasaan umum orang-orang Islam di Malaysia menunaikan sembahyang Witr selepas sunat Tarawih ini sebanyak 3 rakaat sahaja. Sunat Witr ini ditunaikan secara berjamaah.
- b) Salam selepas dua rakaat yang pertama.
- c) Lafaz niat sembahyang sunat Witr.

- i- bagi dua rakaat yang pertama:



Bermaksud: *Sahaja aku sembahyang Witr dua rakaat ma'mum kerana Allah Ta'ala.*

- ii- bagi rakaat yang akhir:



Bermaksud: *Sahaja aku sembahyang Witr satu rakaat ma'mum kerana Allah Ta'ala.*

- c) Pada malam 16 hingga akhir Ramadhan adalah sunat dibaca [doa] Qunut pada rakaat yang akhir. Lafaz Qunut di sini sama juga dengan lafaz Qunut sembahyang Subuh. Dan jika tidak membaca Qunut ini adalah disunatkan Sujud Sahwi.

## **Petikan hadits-hadith mengenai puasa dari Sahih Bukhari dan Sahih Muslim**

### **Kelebihan Ramadan**

*Diriwayatkan daripada Abu Hurairah r.a katanya: Rasulullah s.a.w bersabda: Apabila tiba bulan Ramadan, dibuka pintu-pintu Syurga dan ditutup pintu-pintu Neraka serta syaitan-syaitan dibelenggu*

*Diriwayatkan daripada Abu Hurairah r.a. katanya: Rasulullah s.a.w. bersabda: ...Dan sesiapa yang berpuasa di bulan Ramadan dengan penuh keimanan dan mengharapkan keredhaan Allah, akan diampunkan segala dosa yang dilakukannya sebelum itu*

### **Kelebihan berpuasa**

*Diriwayatkan daripada Sahl bin Saad r.a katanya: Rasulullah s.a.w bersabda: Sesungguhnya di dalam Syurga itu terdapat pintu yang dinamakan Ar-Rayyan. Orang yang berpuasa akan masuk melalui pintu tersebut pada Hari Kiamat kelak. Tidak boleh masuk bersama mereka seorangpun selain mereka. Kelak akan ada pengumuman: Di manakah orang yang berpuasa? Mereka lalu berduyun-duyun masuk melalui pintu tersebut. Setelah orang yang terakhir dari mereka telah masuk, pintu tadi ditutup kembali. Tiada lagi orang lain yang akan memasukinya*

*Diriwayatkan daripada Abu Said al-Khudri r.a katanya: Rasulullah s.a.w bersabda: Setiap hamba yang berpuasa di jalan Allah, Allah akan menjauhkannya dari api Neraka sejauh perjalanan tujuh puluh tahun*

### **Akhlaq sewaktu berpuasa**

*Diriwayatkan daripada Abu Hurairah r.a katanya: Rasulullah s.a.w bersabda: Apabila seseorang daripada kamu sedang berpuasa pada suatu hari, janganlah bercakap tentang perkara yang keji dan kotor. Apabila dia dicaci maki atau diajak berkelahi oleh seseorang, hendaklah dia berkata: Sesungguhnya hari ini aku berpuasa, sesungguhnya hari ini aku berpuasa*

*Diriwayatkan daripada Abu Hurairah r.a katanya: Rasulullah s.a.w bersabda: Sesiapa yang tidak meninggalkan percakapan bohong dan perbuatan tidak baik, Allah tidak inginkan tindakannya menahan diri dari makan dan minum (yakni Allah tidak menerima puasanya)*

### **Kelebihan bersahur**

*Diriwayatkan daripada Anas r.a katanya: Rasulullah s.a.w bersabda: Hendaklah kamu bersahur kerana di dalam bersahur itu ada keberkatannya.*

### **Kelebihan menyegerakan berbuka**

*Diriwayatkan daripada Sahl bin Saad r.a katanya: Rasulullah s.a.w telah bersabda: Seseorang itu sentiasa berada di dalam kebaikan selagi mereka selalu menyegerakan berbuka puasa*

### **Kelebihan Sembahyang Tarawih dalam bulan Ramadan**

*Diriwayatkan daripada Abu Hurairah r.a katanya: Saya telah mendengar sabda Rasulullah s.a.w. mengenai Ramadan: Sesiapa yang mendirikan sembahyang (Tarawih) dalam bulan itu dengan penuh keimanan dan mengharapkan keredhaan Allah, akan diampunkan segala dosa yang dilakukannya sebelum itu.*

### **Kelebihan Lailatulqadar dan galakan untuk mencarinya.**

*Diriwayatkan daripada Saidatina Aisyah r.a katanya: Rasulullah s.a.w bersabda: Carilah Lailatulqadar pada sepuluh hari yang terakhir di bulan Ramadan.*

### **Ganjaran untuk amalan yang dilakukan pada malam Lailatulqadar.**

*Diriwayatkan daripada Abu Hurairah r.a. katanya: Rasulullah s.a.w. bersabda: Sesiapa yang mendirikan sembahyang pada malam Lailatulqadar dengan penuh keimanan dan mengharapkan keredhaan Allah, maka akan diampunkan segala dosa yang dilakukannya sebelum itu.*

### **Beri'tikaf pada sepuluh hari terakhir Ramadan.**

*Diriwayatkan daripada Saidatina Aisyah r.a katanya: Rasulullah s.a.w biasanya beriktikaf pada sepuluh hari yang terakhir dalam bulan Ramadan.*

### **Menambahkan amal ibadah pada sepuluh hari terakhir Ramadan.**

*Diriwayatkan daripada Saidatina Aisyah r.a katanya: Rasulullah s.a.w bermujahadah pada sepuluh hari yang terakhir bulan Ramadan tidak seperti bulan-bulan lain.*

### **Makan dan minum kerana terlupa tidak membatalkan puasa**

*Diriwayatkan daripada Abu Hurairah r.a katanya: Rasulullah s.a.w bersabda: Sesiapa yang terlupa sedangkan dia berpuasa, lalu dia makan atau minum, hendaklah dia terus menyempurnakan puasanya kerana dia telah diberi makan dan minum oleh Allah.*

### **Tidak Batal Puasa Orang Yang Bangkit Dari Tidur Di Waktu Pagi Dalam Keadaan Berjunub**

*Diriwayatkan daripada Aisyah dan Ummu Salamah r.a, kedua-duanya berkata:: Nabi s.a.w bangkit dari tidur dalam keadaan berjunub bukan dari mimpi kemudian meneruskan puasa.*


### **Janganlah berpuasa sehari dua sebelum Ramadan**

*Diriwayatkan daripada Abu Hurairah r.a katanya: Rasulullah s.a.w telah bersabda: Janganlah kamu berpuasa sehari atau dua hari sebelum tiba bulan Ramadan melainkan orang yang biasa berpuasa dengan puasa yang tertentu maka bolehlah dia berpuasa.*



*Sempena bulan Ramadhan yang penuh berkat ini,  
tambahkanilah ilmu-ilmu agama sebanyak yang  
mungkin.*

*Pihak kami sedang mempromosi eBook  
**Syahadah : Dialog Dengan Gadis Melayu Atheist***



*Kandungannya, [klik sini!](#)*

Persoalan-persoalan berikut dijawab dalam bentuk dialog pertanyaan dan jawapan dalam eBook Syahadah : Dialog Dengan Gadis Melayu Atheist.


1. Ramai Atheist (golongan tidak mempercayai Tuhan) menyatakan, tubuh badan mereka adalah milik mutlak mereka. Jadi hala tuju hidup dan takdir mereka ditentukan oleh mereka sendiri. Benarkah kenyataan mereka tersebut?
2. Siapakah Dia Tuhan?
3. Kenapa kita mesti menyembah Tuhan?
4. Bolehkah kita melihat Dia?
5. Bagaimanakah hendak membezakan antara tuhan-tuhan palsu dan Tuhan yang sebenarnya?
6. Siapakah Dia Allah?
7. Bagaimana untuk meyakinkan yang ‘tuhan-tuhan’ yang disembah selain Allah itu palsu?
8. Setiap agama ada kitab sucinya, apakah beza Al-Qur’an dengan kitab-kitab suci yang lain?
9. Bagaimana hendak membuktikan yang Al-Qur’an itu memang dari Allah Tuhan Sekelian Alam?
10. Bagaimana pula untuk meyakinkan yang kitab-kitab selain Al-Qur’an itu sudah tercemar? Bagaimana hendak membuktikannya?
11. Kitab Zabur, Taurat dan Injil tercemar dengan pengubahsuaian yang dilakukan manusia. Tapi Al-Qur’an dipelihara Allah sampai kiamat. Kenapa Al-Qur’an saja dipelihara sedangkan kitab Zabur, Taurat, Injil dan selainnya yang diwahyukan Allah tidak Dia pelihara?
12. Jika hanya Al-Qur’an yang dijanjikan Allah s.w.t. akan dipelihara, kenapakah tidak diturunkan saja Al-Qur’an bermula dari zaman Nabi Adam a.s.?
13. Kenapakah orang bukan Islam digelar sebagai Kafir, bukankah kasar begitu?
14. Jika sujud kepada mana-mana makhluk selain Allah bererti syirik dan murtad, kenapakah Allah menyuruh para malaikat dan iblis sujud kepada Nabi Adam a.s.?
15. Jika sujud kepada mana-mana makhluk selain Allah bererti syirik dan murtad, kenapakah Allah menyuruh para manusia sujud di depan Kaabah?

16. Jika Allah s.w.t. Maha Penyayang dan Maha Adil, adilkah Dia membakar orang-orang kafir selama-lamanya dalam neraka?
17. Benarkah Islam agama yang mendiskriminasi wanita?
18. Poligami dalam Islam sesuatu yang tidak adil?
19. Kenapakah hanya lelaki dibenarkan berkahwin sampai empat sedangkan wanita diharamkan berbuat demikian, adilkah sebegitu?
20. Benarkah hukum aurat menindas wanita?
21. Benarkah wanita dalam Islam dibenarkan kepada suami mereka untuk memukul mereka?
22. Wanita dalam Islam kelas dua jika disbanding dengan lelaki?
23. Benarkah taraf seorang saksi lelaki bersamaan dengan dua orang saksi wanita?
24. Benarkah pembahagian harta pusaka dalam Islam tidak adil kepada wanita?
25. Benarkah hukum hudud itu tidak bertamadun?
26. Jika tiada paksaan dalam beragama, kenapakah mereka yang murtad akan dihukum mati?
27. Hukuman hudud kejam terhadap pesalah, hukuman undang-undang yang dibuat manusia lebih berperikemanusiaan. Benarkah begitu atau pun sebaliknya?

Semua jawapan kepada persoalan di atas dijawab sepenuhnya dalam eBook  
***Syahadah : Dialog Dengan Gadis Melayu Atheist***

**Dapatkan versi penuh eBook Syahadah dalam bentuk Adobe pdf hanya pada harga RM 10.00.**

**Cara pembelian, Klik sini!**



*Versi penuh eBook dijual pada harga  
RM 10.00*

*Percayalah, nilai ini adalah kecil  
berbanding dengan ilmu yang  
disampaikan dalam e-book ini..  
Pesanlah SEKARANG.*

*Untuk mendapatkan e-book **Syahadah  
: Dialog dengan gadis Melayu Atheist**  
ini, anda boleh membuat bayaran  
sebanyak **RM10.00** ke:*

*Bank : MAYBANK  
No. Akaun : 157091045597  
Nama : Mohd Aswanizam Alias*

*Selepas membuat bayaran, sila emelkan maklumat penting di  
bawah kepada **[satuhala@yahoo.com](mailto:satuhala@yahoo.com)** dengan tajuk  
"PESANAN E-BOOK"*

*Nama :  
Email :  
Tarikh / Tempat / Masa Pembayaran :  
No. Telefon Bimbit :  
No. Rujukan Transaksi :*

*Pesanan anda akan diemelkan ke alamat emel yang anda  
berikan dalam masa 48 jam selepas pengesahan pembayaran  
dibuat.*

*Sekian Terima Kasih.*